

صبحت عشاش

مسافر و عارف
هاغيب لو سنين
وراحل برغم
الآلام والآنين
وخايف مشاعرى
تغير حياتى
وراضى وبأدعى
لربى المعين
أسيب قلبى شارى
ف عز النهار
وأدور وأدارى
وحاسس بنار
حبيبى اللى باعد
مدمر لذاتى
ونفسى إنه يرجع

يزيح إنكسار
شريت قلب تانى
وقلت الحياة
ماعمرى أنانى
وآلا أحب جاه
وراضى بحياتى
أجهز مماتى
وماشى برغم
الطريق منتهاه
رضيت القساوة
ماقلتش بلاش
نسيت الهناوة
وكلى إندهاش
وماسك آلامى
ورامى لآهاتى
وحاسس قصورى
دى صبحت عشاش
كاوينى بحبك

ونار الآلام
وأقول نفسى ترضى
ده بعدك حرام
تبحتر حياتى
وأجمع شتاتى
برغم المآسى
برغم الخصام
وعايش كائى
ماليش أى روح
وصابر ومنى
معاك الوضوح
وتقطع وتينى
وأوصل صلاتى
وحافظ لحبك
وحبى السفوح
ياقلبى اللى سايب
طريق الحبيب
مشرق مغرب

وراجع غريب
أشوف إنجازاتى
أشوف معطياتى
وأفرح برغم
العويل والتحيب
هاعاود ولكن
لسفرى الطويل
وهأمسح دموعى
وأغير سبيل
وراحل برغم الرجوع
من سماتى
وكل الخطاوى
ف حبك دليل